

安陸府志卷之二十六

隱逸列傳

名可得聞人不可遇網羅高張鴻飛何處漱石枕流以全其素滿眼村氓豈堪愛慕傳隱逸

許由

許由堯時人也堯以天下讓許由曰子治天下天下既已治矣而我猶代子吾將爲名乎名者實之賓也吾將爲賓乎鷦鷯巢於深林不過一枝偃鼠飲河不過滿腹歸休乎君予無所用天下爲庖人雖不治庖

安陸府志

卷三

一

尸祝不越樽俎而代之矣遂隱於荆門山中

鬼谷子

鬼谷子姓王名詡西周人受道於老君居遠安嘗入雲夢山採藥服之顏如童蘇秦張儀受業三年辭去鬼谷子曰二足下功名赫赫但春華至秋不得久茂今好朝露之榮忽長久之功輕喬松之礼延貴一旦之浮爵夫女愛不極席男歡不畢輪痛哉後不知所

終

漢陰丈人

漢陰丈人楚人居漢水之濱子貢南遊於楚過漢陰見一丈人方將爲圃畦鑿隧而入井抱甕而出灌捐捐然用力甚多而見功寡子貢曰有械於此一日浸百畦用力甚寡而見功多夫子不欲乎丈人仰而視之曰柰何曰鑿木爲機後重前輕挈水若抽數若沃湯其名爲槲丈人怆然作色曰吾聞之有機械者必有機事有機事者必有機心機心存於胸中則純白不備純白不備則神生不定神生不定者道之所不載也吾非不知羞而不爲此子貢瞞然俯而不對丈人安陸府志

卷三

二

人曰子奚爲者耶子非博學以擬聖於以鞅絃哀歌者乎子往矣

蒙穀

蒙穀者楚人也吳與楚戰於柏舉三戰入郢君王身出蒙穀結鬪於宮唐之上舍鬪奔郢曰若有孤楚國社稷其庶幾乎遂入大宮負離次之典以浮於江逝於雲夢之中昭王及郢五官失法蒙穀獻典而國大治王封之執圭田六百畝蒙穀怒曰穀非人臣社稷之臣苟社稷血食余豈患無君乎遂自棄於磨山中

楚江漁者

楚江漁者不言姓氏江陵守崔鉉問曰君之漁隱者之漁耶漁者曰姜子牙嚴子陵隱者非釣其漁釣其名耳遂鼓枻而去

楚津漁父

楚津漁父不知何許人初伍員奔吳漁父鱗舟以渡歌曰日月昭昭兮寢以馳與子期兮蘆之漪又歌曰日已夕兮予心憂悲月已馳兮何不渡爲事浸急兮將柰何

安陸府志

卷三

三

郢野老

郢野老衡陽王義季都督荊州事嘗出獵於郢野老被苦而耕義季命左右逐之老人曰盤於遊畝古人所戒方今陽和布氣播穀之始一日不耕民失其時柰何以從禽之樂而驅斥老人非勸農也義季止馬曰賢也命賜之食老人辭曰苟不奪時則境內之民皆飽矣王之食老夫何敢獨受其賜義季問其名不言而退

江上丈人

江上丈人楚人楚平王以貴無忌之讒殺伍奢奢子員亡將奔吳至江上欲渡無舟而楚人購員甚急自恐不得脫見丈人得渡曰解所佩劍與之曰此千金劍也願獻之丈人不受曰楚國之法得伍員者爵執圭金千鎰吾尚不取何用劍爲不受而別莫知其誰員至吳爲相求丈人不得每食輒祭之曰名可得聞身不可得見其惟江上丈人乎

### 嚴光

嚴光字子陵會稽人少與光武同遊學帝卽位以物安陸府志

色訪之得於齊國拜諫議大夫不就隱於荆門州東巖山今故宅基及客星井尚存後歸富春山終焉

### 漢濱父老

漢濱父老者不知何許人桓帝延熹中幸竟陵過雲夢臨沔水百姓莫不觀者有老父獨耕不輟尚書郎張溫異之使問曰人皆來觀老父獨不輟何也老父笑而不荅溫下道百步與言老父曰我野人耳不達斯語請問天下亂而立天子耶理而立天子耶立天子以安天下耶役天下以奉天子耶昔聖主宰世茅

茨土階而萬人以寧今子之君勞人自縱逸遊無忌  
吾爲子羞之子何忍欲人觀之乎温大慙問其姓名  
不告而去

陸羽

陸羽字鴻漸一名疾字季疵莫知所生世傳景陵西  
禪寺僧晨起聞湖旁群鴈喧集以翼覆一嬰兒收畜  
之既長以易自筮得蹇之漸曰鴻漸於陸其羽可用  
爲儀乃以陸爲氏名而字之幼時其師教以旁行書  
答曰終鮮兄弟而絕後嗣得爲孝乎師怒使執糞除

安陸府志

卷三

五

巧以苦之又使牧牛羽潛以竹畫牛背作字得張衡  
兩都賦不能讀嘆曰歲月往矣柰何不知書嗚咽不  
自勝因亡去匿爲優人作詼諧數千言太守李齊物  
見而異之授以書遂廬火門山羽貌俛陋口吃而辨  
聞人善若在已見有過者規切至忤人朋友無處意  
有所忤輒去人疑其多嗔與人期雖雨雪虎狼不避  
上元初更隱若溪自稱桑苧翁又號竟陵子東園先  
生東岡子時或嘯歌獨行繼以痛哭人謂今之接輿  
也久之詔拜太子文學不就貞元末卒羽性嗜茶著

茶經三篇

東岡生

東岡生吳人亡其姓氏元末讀孫吳書事藩鎮有功  
祿食矣未幾吳歸職方以嘗事軍中例戍於郢居十  
年登覽無不至一日不樂訴上官去省其親賣藥都  
城市市之人莫識也都中良醫師多知之得生藥輔  
其方病輒良已又不樂復歸於郢益不事事惟酣觴  
歌詠而已嘗與唐志淳登陽春臺下瞰漢江北望襄  
樊諸山慨然歎曰吾安得如龐德公者與之遊乎因  
安陸府志

卷三六

六

泫然呼酒飲數升酒已復悵然爲楚歌聲烏烏也

李景暘

李景暘其先江西人徙居京山幼涉書史以教授爲  
業未爲鄉曲所知後客景陵魯文恪公與倡和詩甚  
多警句嘗登武昌黃鶴樓題詩其上曰西望家山一  
改容白雲飛盡楚天空興饒老子胡床外秋在仙人  
鐵笛中夏口霜花沿岸白漢陽晴對隔江紅磯頭黃  
鶴無消息千古登臨感慨同有監司過縣問東白先  
王安在衆茫然不知爲誰問之乃景暘東白其自號

始始稍禮敬之後遊襄陽襄王亦愛其才厚加接遇  
泛舟東歸至漢江中流作詩曰好水好山行路遠秋  
風秋雨到家遲吟未畢落水死

王大韶

王大韶字敘之京山人少負大才工詩文以儒士就  
試不第遂棄去隱大月山闢田數百畝躬耕食之性  
閒放所居雜植花竹瀟然有以自樂又伉潔自持視  
貴富人藐焉不以屑意常擁膝高歌自比伯夷顏子  
每讀史傳所述古隱逸輒歎曰彼冀缺梁鴻之徒咸  
安陸府志

卷二十六

七

能夫婦以窮約終其身無怨悔若以余列其間豈愧  
也哉後以子格貴贈河南僉事崇祀鄉賢祠

王宗華

王宗華字時溱京山人隱居斗山種松數百圍結廬  
其下旁有雙泉引爲蓮塘可數畝許躬耕高尚邑令  
請見辭不出年八十卒金川宗伯李公誌其墓稱爲  
聖朝逸叟

論曰自士與農分而徵聘不行野無潛德蓬藿之下  
莫非農樵牧豈矣今有持一長擅一藝而肯槁首

巖不求聞達者乎何易言隱遯也傳自上古至秦漢  
所得者若而人歷唐宋元明所得者若而人嗟乎可  
以觀人可以論世矣